

um noscant & timeant, utut non sint ita docti. Judicat præterea, Christianos, si de universo mundo, adeoque de angelis rebellibus sententiam laturo sint, longe magis idoneos esse, ad lites & controversias inter proximos ipsorum dirimendas. *Secularia igitur judicia, inquit, si habueritis, contemptibiles qui sunt in ecclesia, illos constituite ad judicandum. Ad verecundiam vestram dico. Si non est inter vos sapiens quisquam, qui possit judicare inter fratrem suum? Sed frater cum fratre judicio contendit: Et hoc apud infideles.* Hoc autem revera est contendere coram infidelibus, barbaris & profanis, eosque controversiarum nostrarum judices facere, si in omnibus quæstionibus & difficultatibus nostris ad legem aliquam Codicis recurramus, conditam à tyranno omnium fortassis deterrimo, & maxime infami: quæ res pagano etiam Imperatori Opilio Macrino indigna visa est, quemadmodum supra diximus. Et D. Hieronymus in epistola ad Oceanum de divortio ex causa adulterii loquens: *Aliæ, inquit, sunt leges Cesarum, aliæ Christi; aliud Papinianus, aliud Paulus noster præcepit.* Et Lactantius Firmianus libro quinto de Justitia c. II. ubi detestatur aliquos

Juris-